

瘍

醫

大

全

瘍醫大全目錄

卷三十六

跌打部

跌打門主論

附方

落下頰拿法門主論

附方

人咬門主論

附方

救從高墜下門主論

附方

破傷風門主論

附方

瘍醫大全卷三十六

蕪湖顧世澄練江氏纂輯

增錢之栢

男 櫟熒用和

全校

跌打部

自跌打損傷以及人咬破傷風等證俱彙於此部中
以便檢閱參治

跌打損傷



跌打損傷門主論

陳遠公曰有跌傷骨折必用杉木或杉板將折骨湊合端正以繩縛定勿偏斜曲再以布紮切不可因疼痛心軟少致輕鬆反爲害事後用內服藥如皮破血出須用外治藥但骨折而外邊之皮不傷卽不必用外治藥然內外夾攻未嘗不更佳耳內治法宜活血去瘀爲先血不活則瘀不去瘀不去則骨不能接也續骨神丹當歸二兩大黃五錢生地敗龜版末白芍各一兩丹皮三錢桃仁三十個續

斷牛膝乳香末沒藥末紅花各二錢羊躑躅一錢
水煎服一劑瘀去新生骨卽合矣又二劑去大黃
再服四劑全愈外治膏藥加末藥摻傷處爲妙全
體神膏當歸生地紅花各二兩牛膝續斷劉寄奴
地榆茜草木瓜小薊人參川芎白朮黃芪各一兩
甘草五錢桑木枝四兩杏仁皂角柴胡荆芥各三
錢麻油三觔熬數沸以麻布濾去渣再煎滴水成
珠加入水漂過黃丹一觔四兩收爲膏勿太老再
用自然銅醋浸燒七次海螵蛸乳香花蕊石各三

錢沒藥二錢麒麟竭五錢白蠟一兩爲末乘膏未
冷投於膏中以桑木棍攪勻取起以瓦器盛之臨
時以火頓攤大約每張重一兩攤畢再入勝金丹
麝香花蕊石象皮各三錢血竭三兩乳香海螵蛸
沒藥樟腦人參木耳灰三七根兒茶各一兩古石
灰紫石英各二兩自然銅冰片乾地虱乾大糞琥
珀各一錢生甘草五錢土狗十個研細和勻磁瓶
密貯每膏一張用末藥三錢摻膏上貼之凡接骨
不須二個也重則二個此乃絕奇絕異之方倘骨

未損傷只貼膏藥不必用勝金丹內外治法三方
有不可形容之妙內外兼治旦夕奏功得此三方
無折骨之不救也

永鑑

丹心曰凡金瘡及折傷不可飲冷水血見寒則凝入
心卽死

蔣示吉日跌打損傷筋斷血流不止者獨勝散主之
說約

馮魯瞻曰胎前如有跌撲所傷須逐汚生新爲主佛
手散最妙腹痛加益母草服如痛止則母子俱安

若胎已損則污物併下再加童便製香附益母草
陳皮煎濃汁飲之如從高墜下腹痛下血煩悶加
生地黃芪補以安之如因撲跌腹痛下血加參朮
陳皮白茯苓炙甘草砂仁末以保之如胎下而去
血過多昏悶欲絕脉大無力用濃厚獨參湯冲童
便服之小產本由氣血大虛今當產後益虛其虛
矣故較正產尤宜調補

素問云人有所墜墮惡血留內腹中滿脹不得前後
先飲利藥此上傷厥陰之脉下傷少陰之絡刺足

內踝之下然骨之前血脉出血刺足跗上動脉不
已刺三毛上各一瘡見血則已左刺右右刺左善
悲驚不樂刺如右方

繆刺論

靈樞云有所墜墮惡血留內有所大怒氣上而不行
下積於脇下則傷肝又中風及有所擊仆若醉入
房汗出當風則傷脾又頭痛不可取於膺者有所
擊墮惡血在內若肉傷痛未已可側刺不可遠取
之也

邪氣臟腑及厥病篇

靈樞曰身有所傷血出多反中風寒若有所墜墮四

肢懈情不收名曰體情取小腹臍下之三結交陽
明太陰也臍下三寸關元也

三結交者卽關元穴是也。寒熱篇

內經云肝脉搏堅而長色不青當病墮若搏因血在
脇下令人嘔逆

金匱云寸口脉浮微而澁然當亡血若汗出設不汗
者其身有瘡被刀斧所傷亡血故也

脉經云從高顛撲內有血腹脹滿其脉堅强者生小
弱者死

李東垣曰夫從高墜下惡血留於內不分十二經絡

醫人俱作中風肝經留於脇下以中風療之血者
皆肝之所生惡血必歸於肝不問何經之傷必留
於脇下蓋肝主血故也痛甚則必有白汗但人人
有汗出皆屬風證諸風皆屬於肝木况敗血凝泣
逆其所屬入於肝也從高墜下逆其上行之血氣
非肝而何非傷寒無汗既曰汗必自風化之也故
以破血行經藥治之凡寒涼之劑不可輕用

論

醫學
發明

劉宗厚曰打撲金刃損傷是不因氣動而病生於外

外受有形之物所傷乃血肉筋骨受病非如六淫
七情爲病有在氣在血之分也所以損傷一證專
從血論但須分其有瘀血停積而亡血過多之證
蓋打撲墮墜皮不破而內損者必有瘀血若金刃
傷皮出血或致亡血過多二者不可同法而治有
瘀血者宜攻利之若亡血者兼補而行之又察其
所傷有上下輕重深淺之異經絡氣血多少之殊
唯宜先逐瘀血通經絡和血止痛然後調氣養血
補益胃氣無不效也

脉經云金刃跌撲脉病不相應者死

戴院使云仆路不知曰擲兩手相搏曰撲其爲損一也

又曰大法固以血之瘀失分虛實而爲補瀉亦當看損傷之輕重輕者頓挫氣血凝滯作痛此當導氣行血而已重者傷筋折骨此當續筋接骨非調治三四月不得平復更甚者氣血內停沮塞眞氣不得行者必死急瀉其血通其滯亦或有可治者焉傷損論曰夫傷損必須求其源看其病之輕重審其

損之淺深凡人一身之間自頂至足有所傷打傷
跌傷及諸刃傷者皆有之凡此數症各有其說有
當先表裏而後服損藥者爲醫者當循其理治之
然醫者意也不知意者非良醫也或者稟性愚昧
不能觀其證之輕重明其損之淺深未經表裏通
利先服損藥誤人多矣有因此痰涎上攻有因此
大小臟腑閉結差之毫釐謬以千里所謂醫不三
世不服其藥信哉

凡腦骨傷破不可見風着水恐成破傷風候

凡腦骨傷碎在硬處可治若傷在太陽穴不可治
如傷在髮際須剪剃去髮看皮破不破好用藥敷
凡腦兩角及後枕或兩眉有傷可治眼睛傷瞳神不
碎可治

頭頂心有損則難治

凡鼻兩孔傷凹者可治血出無妨

齒破傷動者用蒺藜根燒存性爲末常揩擦之卽牢
結喉傷重輒喉斷不可治以湯與之得入腸者可治
若並出者不可治

凡手脚骨只一邊斷則可治若兩手脚骨皆斷者不可治

肚上被傷肚皮俱破腸出在外只腸全斷難醫傷破而不斷者皆可治療

凡腸出可令病人手搭在醫人肩隨其左右收起以麻油潤瘡口整入腹却以通閉散吹鼻打噴嚏令腸自入用桑白皮線向皮內縫合後以封口藥塗傷處外以補肌散用雞子清調勻敷貼

若腸上有小損孔以燈火照之腸中有氣射燈不可

治

凡傷損藥中不可缺乳香沒藥此藥極能散血住痛
不可不知

凡傷損初次不可使用自然銅久後方可用之折骨
者便宜用之若不折骨不碎骨則不可用修合諸
損藥皆要去了如用自然銅必用火煨方可服之
然新出火者其火毒與金毒相煽挾香熱藥毒雖
有接骨之功燥散之禍甚於刀劍戒之

凡損傷妙在補氣血俗工不知惟要速效多用自然

銅多成癰疾也初傷只用蘇木活血黃連降火白
朮和中童便煎服在下者可下瘀血但先須補托
在上者宜飲韭汁或和粥喫切不可飲冷水血見
寒則凝但一絲血入心卽死

十不治證係攔撲損傷或被傷入於肺者縱未卽死
二七難過一左脇下傷透內者二腸傷斷一半可

醫全斷者不可治

三

小腹下傷內者

四

證候繁多

者

五

脉不實重者

六

老人左股壓碎者

七

傷破陰

子者

八

血出盡者

九

肩內耳後傷透於內者皆不

必用藥得效

馮魯瞻曰凡跌撲損傷踣折挫閃雖由外觸勢必內傷氣血凝滯紅腫或青痛不可忍故始須用甘辛溫散行氣破瘀則痛自退腫自消如獨活白芷荆芥防風川芎當歸沒藥古文錢鹿角灰蘇木赤芍紅花之類以水酒煎藥沖入童便尤妙及其外傷平復猶宜滋補氣血筋骨之藥調之 錦囊

又曰肢體全仗氣血傷損必加補養在上先消瘀血在下先爲補養更審胃氣蓋去血過多脉微欲死

獨參湯加童便接住元氣爲急甚有肢冷脉微者
參朮附子大劑挽之勢與產婦同也脉來和緩者
生急疾扎者死宜虛細不宜數實切宜避風

陳實功曰跌撲者有已破未破之分亡血瘀血之別
從高墜墮未損皮肉者必有瘀血流注臟腑人必
昏沉不醒二便必難當以大成湯通利二便其人
自甦不醒者獨參湯救之

正宗

損傷大綱固用藥不可差而整頓手法尤不可孟浪
今以人之周身總三百六十五骨節開列於後人

身總有三百六十五骨節以一百六十五字都關
次之首自鈴骨之上爲頭左右前後至轅骨以四
十九字共關七十二骨

巔中爲都顱骨者一 有勢微有髓及有液

次顱爲髑骨者一 有勢微有髓

髑前爲頂威骨者一 微有髓女人無此骨

髑後爲腦骨者一 有勢微有髓

腦左爲枕骨者一 有勢無液

枕就之中附下爲天蓋骨者一 下爲肺系之本

蓋骨之後爲天柱骨者一 下屬脊竅有髓

蓋前爲言骨者一 言上復合於髓骨有勢無髓

言下爲舌本骨者左右各二 有勢無髓

髀前爲顙骨者一 無勢無髓

顙下爲伏委骨者一 俚人訛爲伏犀骨是也

伏委之下爲俊骨者一 附下卽眉宇之分也

眉上左爲天賢骨者一 無勢無髓

眉上右爲天貴骨者一 眉上直目睛也

左睛之上爲智宮骨者一 無勢無髓

右睛之上爲命門骨者一

無勢無髓

兩睛之下中爲鼻

鼻之前之爲梁骨者一

無勢無髓

梁之左爲顴骨者一

有勢無髓

梁之右爲軀骨者一

有勢無髓

梁之端爲嵩柱骨者一

無勢無髓

左耳爲司正骨者一

無勢無髓

右耳爲納邪骨者一

無勢無髓

正邪之後爲完骨者左右共二

無勢無髓

正邪之上附內爲噓骨者一

無勢少涎

噫後之上爲通骨者左右前後共四

有勢少液

噫上爲嚙骨者一

無勢多液

其嚙後連屬爲頷也

左頷爲乘骨者一

有勢多液

右頷爲車骨者一

有勢多液

乘車之後爲轅骨者左右共二

有勢有液

乘車上下出齒牙三十六事

無勢無髓庸下就少則不滿其數

復次鈴骨之下爲膾中左右前後至蓀以四十字

關九十七骨

轅骨之下左右爲鈴骨者二

多液

鈴中爲會厭骨者一

無勢無髓

鈴骨之下爲咽骨者左中及右共三

無髓

咽下爲喉骨者左中及右共三

無髓

喉下爲嚨骨者環次共十事

無髓

嚨下之內爲肺系骨者纍纍然共十二

無勢無髓

肺系之後爲谷骨者一

無髓

谷下爲偏道骨者左右共二

無髓

嚨外次下爲順骨者共八

少液

順骨之端爲順隱骨者共八

少液

順下之左爲洞骨者一

女人無此

順下之右爲棚骨者一

女人無此

洞棚之下中央爲髑髏骨者一

無髓

俚人呼爲鳩尾

髑髏直下爲天樞骨者一

無髓

鈴下之左右爲缺盆骨者二

有勢多液

左缺盆之前爲下臑骨者一

無髓

右缺盆前之下爲分髻骨者一

無髓

臑髻之後附下爲倉骨者一

無髓

倉之下左右爲髃骨者共八

有勢無液

膠之下左爲胸骨者一

男子此骨大者好勇

膠之下右爲蕩骨者一

女人此骨大者則丈夫

胸之下爲烏骨者一

男子此骨滿者髮早白

蕩之下爲臆骨者一

此骨高多訛妄

鈴中之後爲脊竅骨者共二十二

上接天柱有髓

脊竅次下爲大動骨者一

上通天柱共二十四

大動之端爲歸下骨者一

道家謂之尾閭

歸下之後爲纂骨者一

此骨能限精液

歸下之前爲蓀骨者一

此處薄者多處貧下

復次缺盆之下左右至髀骨以二十五字闕六十骨
此下止分兩手臂至十指之端衆骨

支其缺盆之後爲偃甲骨者左右共二有勢多液

偃甲之端爲甲隱骨者左右共二此骨長則至賢

前支缺盆爲飛動骨者左右共二此骨薄病瘕緩

次飛動之左爲龍騰骨者一有勢無髓無液

次飛動之右爲虎衝骨者一有勢無髓無液

龍騰之下爲龍本骨者一有勢有髓

虎衝之下爲虎端骨者一有勢有髓
本端之下爲腕也

龍本上內爲進賢骨者一

男人此骨隆爲名臣

虎端上內爲及爵骨者一

女人此骨高爲命婦

腕前左右爲上力骨者共八

有勢多液

次上力爲駐骨者左右共十

有勢多液

次駐骨爲擗骨者左右共十

有勢多液

次擗骨爲助勢骨者左右共十

右助外爲甲
左助外爲爪

爪甲之下各有襯骨左右共十

無勢無液

復次髑髏之下左右前後至初步以五十一字關

一百三十六骨此下至兩乳下分左右自兩足心

衆骨所會處也

髑髏之下爲心蔽骨者一

無髓

髑髏之左名爲脇骨者上下共十二

居小腸之分也

左脇之端各有脇隱骨者分次亦十二

無髓

脇骨之下爲季脇骨者共二

多液

季脇之端爲季隱骨者共二

無髓

髑髏之右爲肘骨者共十二

處大腸之分也

肘骨之下爲眇肋骨者共二

各無隱骨惟獸有之

右肋之端爲肘隱骨者共十二

無髓

篠骨之前爲大橫骨者一 有勢少髓

橫骨之前爲白環骨者共二 有勢有液

白環之前爲內輔骨者左右共二 有勢有液

內輔之後爲骸關骨者左右共二 有勢有液

骸關之下爲捷骨者左右共二 有勢有液

捷骨之下爲髀樞骨者左右共二 有勢多髓

髀樞下端爲膝蓋骨者左右共二 無勢多液

膝蓋左右各有俠升骨者共二 有勢多液

髀樞之下爲胫骨者左右共二 有勢多髓

肱骨之外爲外輔骨者左右共二

有勢有液

肱骨之下爲立骨者左右共二

有勢有液

立骨左右各有內外踝骨者共四

有勢少液

踝骨之前各有下力骨者左右共十

有勢多液

踝骨之後各有京骨者左右共二

有勢少液

下力之前各有釋欹骨者共十

有勢

釋欹之前各有起仆骨者共十

有勢

起仆之前各有平助骨者左右各十

有勢

平助之前各有襯甲骨骨者左右各十

無勢少液

釋歌兩傍各有核骨者左右共二

有勢多液

起仆之下各有初步骨者左右共二

有勢無髓有液女人

則無此骨

凡此三百六十五骨也天地相乘惟人至靈其女人則無頂威左洞右棚及初步等五骨止有三百六十骨又男子女人一百九十骨或隱或覩或無髓勢餘二百五十六骨並有髓液以藏諸筋以會諸脉谿谷相需而成身形謂之四大此骨度之常也

凡醫跌打損傷者忌用葱若用葱雖醫好遇天陰傷

處必發損作痛

梁偉士

可法良規云凡損傷之症乃有形器物所傷爲筋骨受病當從血論蓋血得熱則妄行其害甚速須先伐肝火清運火砭患處和經絡則瘀血不致泛注肌肉不致遍潰次則壯脾胃進飲食生血氣降陰火則瘀血易於腐潰新肉易於收斂此要法也若用剋伐之劑虛者益虛滯者益滯禍不旋踵矣

血走注

論擦

又云凡傷損之症若棍槌重者患處雖不破其肉則死矣蓋內肉靡爛與瘀血相和如皮囊盛糊然其輕者瘀血必深蓄於內宜急砭刺卽投大補之劑否則大熱煩躁頭目脹痛牙關緊急殊類破傷風症此瘀穢內作而然也急刺之諸症悉退若刺破之後或有發熱惡寒口乾作渴怔忡驚悸寤寐不寧牙關緊急目赤頭痛自汗盜汗寒戰咬牙氣短喘促遺尿手撒身熱脉大按之如無身熱不欲近衣或欲投水或惡寒而脉浮大重按微細衣厚仍

寒此氣血挾虛使然也皆宜參芪歸朮之類亟補之如不應速加附子緩則不救或手足逆冷肚腹疼痛瀉利腸鳴飲食不入呃逆嘔吐此寒氣乘虛而然也治法全前用藥如有汗而不惡寒或無汗而惡寒口噤足冷腰背反張頸項勁強乃血氣虛而發瘕也治法亦全前用藥少佐見證之劑此瘕症往往誤投風藥以致不起者多矣若果是破傷風證亦係元氣耗損外邪乘虛而致皆宜峻補先固其本爲善妄投風藥禍如反掌治者不可不察

論瘀穢內炊

又云傷損之症若內積瘀血炊熱宜砭刺不知砭刺則外皮炙乾縮急堅硬巴連好肉不能腐爛益加脹痛俗名丁痂皮是也以致瘀穢難出治者因將死肉盡行割去瘡口開張反難腐潰怯弱之人多成破傷風證以致不救若杖後刺去瘀穢塗以神效當歸膏投以參朮歸芪地黃之類諸證卽退死肉自潰丁痂不結所潰亦淺生肌之際亦不結痂自免皺結之痛

論丁痂皮

又云凡損傷之症若皮膚已破出血過多而昏憤者
氣血虛極也大補爲主如不應急加附子若墜撲
太重皮膚不破血未出而昏憤者瘀血在內也行
散爲主如不應速加酒炒大黃若下後而有變症
者皆氣血虛極也用十全大補湯若因痛甚而自
汗昏憤者風木熾甚也用清肝涼血之劑則痛自
定汗自止潰自潰苟作外因風邪治之促其危也
論亡血昏憤

又云傷損之症若頭腦並致命處所損太重昏憤良

久將至不起者急用葱白細切杵爛炒熱罨患處
稍冷更以熱者罨之多自醒矣醒而肢體作痛肌
內被傷宜調氣養血若腹中作痛手不可近者瘀
血停滯也不可下宜用花蕊石散內化之却以參
芪歸朮補托之

又云凡傷損之症若有瘀血內凝致大小便不通若
用硝黃苦寒之劑下之血愈凝而不下益加脹滿
命在須臾急用木香肉桂末二三錢以熱酒灌之
血下乃生不下卽死如怯弱之人欲用硝黃加木

香肉桂全煎益善蓋假其熱以行其寒也

論瘀血便秘

又云凡傷損之症若誤飲凉水瘀血凝滯氣道不通或血上逆多致不救若入於心卽死急飲童便熱酒以和之若患重而瘀血不易散者更和以辛溫之劑睡臥要上身墊高不時喚醒勿令熟睡則血庶不上逆故患重之人多爲逆血填塞胸間或閉塞氣道咽喉口鼻不得出入而死

論瘀血氣閉上逆

又云凡損傷之症大便秘結若是出血過多而秘結此大腸血虛火熾乾燥而不通耳不可輕用硝黃

峻利之劑宜用潤腸丸以四物湯送下或猪膽套
法爲善

論血虛便秘

又云凡傷損之症胸脇肚腹作痛按之痛甚者瘀血
在內也大承氣湯下之既下而腹痛不止按之亦
痛者瘀尚未盡也四物湯加穿山甲牛膝補而行
之若腹仍痛按之却不痛者血虛也四物湯加參
芪白朮補而和之若下後脾胃受傷而腹痛者補
中益氣湯爲主下後寒氣乘虛而腹痛者溫中益
氣湯爲主下後昏憤而出汗者虛極而變症也獨

參湯補之未應急以大劑人參加附子主之緩則
不救下後嘔吐泄瀉手足厥冷或指甲青黑者虛
寒之甚也附子理中湯主之緩亦不治若口噤手
撒遺尿痰盛或唇青體冷汗出昏憤氣血虛極之
壞症也非參附湯不能救誤作風治者必死論胸
腹作
痛

又云凡傷損之症若脇脹痛脉數浮無力以手按之
反不脹痛者此血虛而肝脹也宜四物湯加參苓
青皮甘草治之若胸脇脹悶或作痛者按之亦然

左關脉洪而有力者此怒氣傷肝之症也以小柴
胡湯加芎歸青皮赤芍桔梗枳殼治之若胸脇作
脹按之則愈痛者乃瘀血蓄肝之症也急以四物
湯加桃仁紅花青皮治之蓋證不必論其受責之
輕重問其患處去血之曾否但被人扭按甚重蹉
跌撲地努力恚怒以傷其氣血瘀血歸肝多致前
症甚則胸脇氣逆脹滿不通或血溢口鼻卒至不
救蓋打撲墜墮惡血宜砭不宜留況十二經絡之
血生於心藏於肝統於脾小腹與脇皆肝經部位

惡血蓄而不行必生脹滿疼痛自汗法當破血生

血清厥陰肝經則善

論脇脹痛

又云凡傷損之症多有患處作痛若出血過多而痛者血虛火盛也宜甘寒以降虛火甘溫以養脾氣若汗出多而痛者肝木火盛也宜辛涼以清肝火甘寒以生肝血若筋骨傷而作痛者正而治之肌肉傷而作痛者調而補之氣血逆而作痛者順而補之氣血虛而作痛者溫而補之熱而痛者清之寒而痛者溫之陰虛火痛者用補陰之劑脾氣虛

而痛者用補脾之劑作膿而痛者托之膿熅而痛者開之切不可槩用苦寒以致復傷脾胃也

論患處作

又云損傷之症如所傷之處痛至四五日不減者或至一二日方痛者皆作膿也不必用止痛之藥但宜托裡之劑以速其潰膿去則痛止若頭目所傷作膿熅赤作痛者膿出痛亦自止其或頭痛而時作時止者血虛而痛也非傷也若頭痛而兼眩者火也痰也氣虛也木旺也不可作寒治也

又云凡傷損之症肉死而不潰或惡寒而不潰者宜
補陽氣發熱而不潰者宜益陰血或因作痛或因
峻劑而不潰者宜和養脾胃或因失血或因汗多
而不潰者宜大補氣血其外面皮黑堅硬而不潰
者內火蒸炙而然也內服益陰血制陽火之劑外
塗當歸膏以潤之則自潰矣大抵脾胃主肌肉腐
潰生肌全在脾胃氣血兩旺倘治者不識病機失
於補助故有死肉不能潰而死者有死肉已潰新
肉不能生而死者有死肉潰新肉生瘡口久不能

歛而死者此三者皆失於不預爲補益耳

論死肉不潰

又云凡傷損之症若歛痛而肌肉不生者火盛也日晡作熱而不生者血虛也食少體倦而不生者脾胃虛也膿水清稀而不生者氣血虛也忌敷生肌長肉之藥恐反助其邪也若膿多而臭穢者邪火也脉洪大而作渴者眞氣虛而邪氣實也斯爲難治大抵傷損症候內無瘀血卽當補脾脾氣得補則肉傷者自愈肉死者自潰新肉易生瘡口易合故云脾健則肉自生切不可偏用寒涼剋伐之劑

復傷元氣致不能生肌收斂雖行補益緩不濟事
矣論新肉不生

又云凡傷損之症若壅腫不退或色黯不消元氣虛
也宜補之青腫脹痛按之復起膿瘀內滯也宜針
之經曰氣主噓之血主濡之者是也當以六君子
湯加芎歸培養脾胃元氣則青腫自消瘀滯自散
膿穢自出苟服尅伐涼劑虛其氣血益腫益青益
潰矣若敷貼寒涼等藥則寒氣入裡隧道益壅瘀
血益凝運氣不至近死不遠雖壯實之人亦寒氣

生熱肉腐深大氣血衰敗肌肉無由以生欲望其
腫消青退而潰處收斂抑難矣

論青腫不消

又云凡傷損之症若骨已接髓已入其腫不消者此
元氣怯弱也怯弱卽不能運散瘀滯益凝故也經
云壯者氣行則愈怯者則着而爲病惟補中益氣
湯滋陰助陽內服十全大補湯外敷黑龍散或葱
熨之法則運氣健旺瘀血自散腫痛自消若投行
氣破血之劑則元氣愈怯運氣愈滯患在骨髓及
血氣罕到之處最難調治尤忌寒涼剋伐之藥

論腫

痛不消

又云凡傷損之症口鼻等竅或患處出血不止者因
木火熾盛血熱錯經而妄行也宜清肝火養肝血
若中氣虛弱血無所附而妄行者宜補中益氣使
血各歸其經若陽氣內脫不能攝血歸經而血出
不止者獨參湯加炮姜治之不應則急加附子若
血蘊於胃而嘔血者四物湯加童便拌炒山梔姜
汁治之若因怒氣傷肝而嘔血者亦治以前藥更
加柴胡黃芩以清之如脉大發熱喉痛者參芪當

歸生地荆芥蜜炙黃柏以主之凡出血脉大者難治凡見血證不可用寒涼之劑致脾胃受傷反不能攝血歸原也

論出血嘔血便血

又云凡傷損之症有出汗者當審其陰陽虛實而治之若陰虛陽往乘之則發熱自汗以甘寒之劑補其氣如補中益氣湯之屬是也若陽虛陰往乘之則發厥自汗以甘溫之劑助其陽如參附湯之屬是也亦有因痛甚而自汗者宜清肝火爲主亦有因陰陽傷損而自汗盜汗者宜補氣生血爲主若

心孔一片汗出者養其心血自止 論出汗

一人年四十墜馬亡血出汗不止煩躁不安次日其汗遂止熱躁益甚口噤手顫此陰血虛陽火乘之而汗出爲寒氣收斂滕理故汗不得出火不得泄拂鬱內甚而益增他症也若誤用祛風之藥愈損氣血促其危矣

又云凡傷損之症有發熱者或出血過多或大潰之後而發熱者乃陰血耗散陽氣無所依附遂致浮散於肌表之間是爲陰虛非實熱也當歸補血湯主之若發熱煩躁肉瞤筋惕等症乃亡血也聖愈湯主之如汗出不止乃血脫也急用獨參湯補之

若血脫脉實汗後脉躁者難治細小者易痊其療
血內停發熱必肚腹作痛不在此例

論發熱

又云傷損之症若出血過多或大潰之後肌膚發熱
大渴引飲目赤而紅晝夜不息其脉洪大而虛重
按全無此名陰虛發熱之病當歸補血湯主之誤
認實熱反用寒涼必死若身體微熱煩躁面赤其
脉沉而微此名陰盛發躁之病宜四君子湯加姜
附治之外臺秘要云陰盛發躁欲坐井中用附子
四逆湯加葱白治之李東垣亦曰切忌寒涼之劑

凡熱來復去不時而動乃無根之虛火也用六君子湯加姜桂不應急加附子或八味地黃丸最善
論發躁

又云凡傷損之症有發熱者當分晝夜陰陽而治之
東垣云晝則發熱夜則安靜是陽氣自旺於陽分也晝則安靜夜則發熱煩躁是陽氣下陷入陰中也名曰熱入血室如晝夜俱發熱煩躁是重陽無陰也當亟瀉其陽而峻補其陰夫熱入血室之症婦人經水適來或因損傷或因大勞或因大怒而

發熱必至前症或有言語譫妄如見鬼神狀者猶宜小柴胡湯加生地主之重陽無陰血虛者亦用小柴胡湯合四物湯治之

論熱分晝夜

又云凡傷損之症有作渴者若出血而作渴者血脫也四物湯加白朮補之不應加人參黃芪以補氣倍當歸熟地以養血若潰後而作渴者大補氣血主胃熱津液耗散而作渴者用竹葉黃芪湯瘀血內停發熱作渴者用竹葉石膏湯若膿血大潰而作渴或小便赤澁或痛而不通死在反掌及癰

疽潰爛後多有此證非六味地黄丸不能救

論作漏

又云凡傷損之症有作嘔者或因痛不止或因攻伐之劑而作嘔者皆胃氣傷也四君子湯加芎歸半夏藿香薑棗之類主之或兼忿怒傷損而致嘔者氣逆也小柴胡湯加山梔枳殼茯苓桔梗之類治之若胃中痰火盛而作嘔者二陳湯加黃連山梔生薑治之胃氣虛寒而作嘔者補中益氣湯加薑棗主之或出血過多或潰後而作嘔者宜大補氣血爲主

論作嘔

又云凡傷損之症出血過多如面黑胸脹或膈痛發喘此肺氣虛瘀血入肺急以人參蘇木飲救之如欬血衄血乃火盛氣逆血蘊於肺宜用十味參蘇飲救之加山梔黃芩蘇木主之面黑作喘之症諸書未嘗論及治者不明患者必死惟產寶百問內云產婦瘀血入肺面黑作喘用參蘇飲救之其方乃人參一兩蘇木二兩作一劑煎服論面黑作喘又云凡傷損之症小便不利若因出血或平素陰虛火燥而滲泄之令不行者宜滋膀胱之陰若因瘀

病或平素肺經氣虛不能生化腎水而小便短少者當補脾肺之氣滋其化源則小便自生若誤用分利之劑復損其陰禍在反掌經云氣化則小便出焉又云無陽則陰無以生無陰則陽無以化亦有汗出不止而小便短少者汗止便自利猶忌分利滲泄之劑

論小便不利

又云凡傷損之症出血太多或潰爛之際收斂之後如有寒熱頭痛或自汗盜汗煩躁作渴或遍身疼痛肢體倦怠牙關緊急痰涎上壅等症是血氣虛

極而作變症也當峻補元氣爲主大凡傷損症有
外邪乃乘虛而入猶當補助作外邪治之禍不旋
踵論血氣內傷

又云凡傷損之症筋糜肉爛膿血大泄陽亦隨陰而
走元氣喪敗理勢必然氣血不虛者鮮矣智者審
之論血氣必虛

又云凡傷損之症膿血大潰血出過多兼之惡寒發
熱厥痛口乾肝血自然不足況肝主筋血去則筋
無以養筋無血養則燥遂不能束骨而屈伸自如

故有拘攣之象宜聖愈湯加柴胡木瓜山梔麥冬
五味子治之如作風證一治筋愈燥而血愈涸攣
豈能伸乎 論血虛筋攣

又云凡傷損之症最忌骨氣虛憊腎主骨腎水足則
肝氣克溢經脉強健雖有傷損氣血不虧而潰斂
以時氣路不致於上逆痰涎何能而上壅使腎氣
一虛水不能生木則肝氣奔騰逆而不下痰氣亦
隨之以升非風痰也乃水泛白羊也是水泛爲痰
之症也宜六味地黄丸或六味地黄湯加清肝之

劑論腎虛氣逆

又云凡傷損之症其患已愈而腿作痛乃受患太重
膿血過多瘡雖愈而肝經血氣尚未充也故濕熱
乘之因虛而襲以致作痛非風證也用八珍湯加
牛膝木瓜蒼朮黃柏防已炙草以祛濕熱養陰血
痛漸止後去防已黃柏服之遂瘳

論濕熱乘肝

又云凡傷損之症遍身作癢或搔破如瘡疥此血不
營於肌腠當作血虛治之不應兼補其氣亦有愈
後身起白屑落而又起或有如布帛一層隔於肌

膚乃氣血俱虛不能營於腠理宜大補氣血爲主
若作風邪治之誤矣 論遍身作癢

又云凡傷損之症肢體麻木若口眼如故腰背如常
而肢體麻木者氣虛也蓋血虛則氣虛故血虛之
人肢體多麻木此是陰虛火動而變症實非風也
當用升陽滋陰之劑若作風治因在反掌 論肢體
作麻

又云凡傷損之症如所傷之處不甚尅伐之劑未用
而四肢困倦精神短少懶於動作胸滿氣促肢節
沉重氣高而喘身熱而煩心下痞滿不思飲食自

汗體重其脉洪大而頭痛是內傷元氣之症以補中益氣湯主之如在夏令是暑熱內傷元氣之證用清暑益氣湯治之若遇秋令是濕熱內傷元氣之症以清燥湯主之

論四肢倦怠

又云凡傷損之症或其人素多濕痰或又服辛熱破血之劑則濕熱助痰流阻道路反致遍身作痛丹溪曰東南之人多因濕土生痰痰生熱熱生風證類中風惟宜清燥湯或二陳湯加羌防歸芍桔梗炒芩蒼朮治之

論濕痰作痛

又云凡傷損之症或手足生瘡在氣血罕到之地切不可用損元氣之藥若元氣虛怯邪氣滋盛潰爛延上必死不潰而色黯者亦死手足心背受病色黑者多死手足節憊損去者不死故傷損骨斷筋皮尚連者急剪去之若肉被傷欲去尚連者亦剪之不爾潰及好肉怯弱之人多致不救如手足與指損去一節可治不死惟去其半節留其半節或骨斷筋皮相連者最爲難治

論氣遏肉死

又云凡傷損之症不可輕服烏附等味蓋其性味辛

熱恐助火以益其患其平素有失血及血虛之人
雖在冬令決不宜用緣滯血得火而益傷陰血得
火而益耗運血得火而妄行患肉得火而益壞新
肉得火而復潰疼痛得火而益甚若人平素虛寒
或因病而陽氣脫陷者則用之不在此例論用辛熱之非
又云凡傷損之症不宜敷貼硝黃之類然其性味鹹
寒惡濟寒以益其傷若人平素虛弱患而作痛雖
在夏令亦不宜用蓋胃氣得寒而不生運氣得寒
而不健瘀血得寒而不行腐肉得寒而不潰新肉

得寒而不生若內有瘀血停滯服以通之不在此
例論用鹹寒之非

又云凡傷損之症近用黑羊皮熱貼者蓋羊肉性熱
而補氣彼受刑太重患處內肉已壞欲其腐潰者
用之成膿固速若內非補劑壯其根本毒氣不能
內侵外非砭刺泄其瘀穢良肉不無傷壞設受刑
輕淺外皮破傷外用神效當歸膏敷貼則丁癰不
結傷肉漸潰死肉自敗焮腫自退黯色自消內用
四物加黃連柴胡山梔白朮茯苓清肝木健脾土

自愈若專用黑羊皮卷貼反助其毒腐潰益深難
於收斂智者審之

論用黑羊皮之非

又云凡傷損之症瘀血已去而肌肉糜爛不肯收斂
屬氣血俱虛大補猶恐不及豈可復用行氣破血
之劑反賊其元氣耶當時諸君多蹈此弊而怯弱
者皆致不救

論用行氣之非

又云凡傷損之症遇杖墜跌撲患處如有瘀血止宜
砭出服壯元氣之劑蓋其氣血已損切不可孟浪
妄行妄下此肢末之地血氣難到再用行氣下血

等藥復損脾胃元氣則運氣愈難營達於下而反爲敗症怯弱者多致夭枉

論下血之非

又云或問寒涼能消腫止痛何以用之反致內潰不能生肌且有致死者答曰寒涼之劑敷於肌肉而不知痛者是一遇寒涼血因之以凝氣因之以滯氣血凝滯肌肉皆爲死陰寧復有知其疼痛也哉故毒不出而內攻多致不救當知氣血得溫則行得寒則凝寒極生熱變化爲膿腐潰益深氣血旣敗肌肉無由而生欲望其不危也幾希

論用寒藥之非

又云凡傷損之症遇杖撲重者外皮不破而內肉糜爛與血相和甚者醫腿如皮囊盛糊然若不砭刺發泄爲患匪輕故當時大理司大獄諸君失於不砭以致不起者多矣是不知傷重而內有瘀穢者也須急去之卽服補益之劑以固根本庶保無虞古人謂瘀穢惡於虎狼毒於蛇蠍去之稍緩則戕性命非虛言也醫者三復之論不砭之非

又云凡傷損之症貴乎太補氣血則腐肉易於潰爛瘡口易於生肌每見治者不知氣血虧損往往多

用十宣散又以方內參芪芎歸爲補益之劑嫌其中滿多用不過錢許以厚樸防已爲清毒之藥因其行散動輒倍加此何益於氣血而欲責其速潰速斂速生肌乎無怪其煩躁作渴飲食益少因之不起者衆矣

論不補益之非

得效云凡墮壓死者急安好處以袖掩其口鼻上一食頃候眼開先與熱小便飲之若初覺氣絕急擘開口以熱小便灌之利去瘀血

以下載東醫寶鑑

又云凡攔打壓傷或從高墮落皆驚動四肢五藏必

有惡血在內專怕惡心先用通二便藥和童便服之立效大小腸俱通利則自無煩悶攻心之患矣又云頭上有傷或打破或金刃傷用藥糊角縛不使傷風慎之

又云如傷臟腑致命處一觀其脉虛促危

綱目云卒墮顛壓倒打死心頭溫皆可救將本人如僧打坐令一人將其頭髮控放低以半夏或皂角末吹令入鼻中如活却以薑汁香油打勻灌之入門云若取藥不及急撥開口以熱小便多灌之

又云凡傷損專主血論肝主血不問何經所傷惡血必歸於肝流於脇鬱於腹而作脹痛實者下之
又云凡出血已多而又嘔血不止者難治宜用蘇木煎湯調蚌霜散服之

又云凡折傷外損筋骨者可治內損臟腑裏膜及破陰子耳後者並不治

醫鑒曰人爲刀斧所傷或墮落險地或撲身體損傷筋骨皮肉皆出血不止或瘀血停積若去之不早則有入腹攻心之患

又云打撲傷損去血過多脉當虛細若得急疾大數者死

丹心云跌撲傷損須用蘇木活血黃連降火白朮和中以童便煎服如傷在上宜飲韭汁

回春云凡鬪毆被打內有瘀血其脉堅强者生小弱者死

脉經

得效云凡脚手各有六出曰四折骨每手有三處出曰脚亦三處出曰手掌根出曰其骨交互相鎖或出曰則是挫出鎖骨之外須是搦骨於鎖骨下歸

窠若出外則須搦入內若出內則須搦入外方入
窠曰只有手拽斷難入窠十有八九成痼疾也

又云骨節損折肘臂腰膝出口蹉跌須用法整頓歸
元先用麻藥與服使不知痛然後可用手法

又云搦骨歸窠用竹一片生柳木板片尤佳夾定一
邊一邊不用夾須存屈直處時時拽曲拽直不然
則愈後曲直不得

又云凡骨碎者須用麻藥

卽草烏散

與服或刀割開甚者

用剪剪去骨鋒使不衝破肉或有粉碎者鎌去細

骨免膿血之禍且以藥水一日一洗莫令臭穢
又云凡骨碎者用接骨藥火上化開糊骨上然後夾
定外用夾骨法活血散接骨丹二生膏糯米膏
又云淋洗用蔓荊散

跌打損傷門主方

黎洞丸

專治跌打損傷筋損骨斷夾棍刀傷斧砍等症
兼治吐血癆瘵噤口傷寒小兒急慢驚風牙關
緊閉婦人難產下部重傷惡血攻心胸悶發熱
產後惡露不盡兒枕骨疼寒熱乾血癆血山崩
血淋白帶一切危症服之護心散血解毒輕者
三分重者五分陳酒化服一切無名腫毒對口
疔瘡乳癰等症內服外敷毒蛇蜈蚣蝎螫草踏

虫傷俱係外敷

真天竺黃

生大黃

明雄黃

法製滕黃

各三錢

真胎骨

瓜兒竭

真廣三七

阿

魏

各一錢五分

梅片

真西牛黃

麝

香

各三分

沒藥

去油

透明乳香

去油各二錢

五銖錢

四個火煨紅醋淬七次

製研細末稱準和勻用蜜貳兩黃蠟六錢全煎

化離火攪均乘熱爲丸作二種一重三分一重

五分看病人老幼壯弱病之重輕用陳酒燉化

盡量飲醉蓋被取汗

三黃寶蠟丸

此方出自嶸洞軍中救活之人甚衆凡

惡症刀箭鎗棒毒蛇惡虫咬傷跌打損傷破傷
風傷力成癆死血凝滯遍身四肢麻木不仁婦
人產後惡血不淨致生怪症瘀血攻心痰迷心
竅危在頃刻每用一九無灰酒服如受傷日久
病勢重者連服數丸能令通身瘀血化為新血
破頑痰保元氣却邪毒活絡舒筋效驗難盡述
起死回生之聖藥也凡一切外傷量瘡之大小
麻油少許化藥勿令見火將雞翎搽掃瘡上腐
肉不須刀割數次自然生肌長肉凡軍中毒弩
所傷死在頃刻用五分口內嚼下則毒氣不能
封喉攻心其傷處仍將藥敷數日而愈若烏鎗
打傷未曾死者亦用三分黃酒送下任量飲醉
安眠片時其鎗子即從傷處流出火燒麻油調
敷

專治跌打損傷惡刀箭毒毒瘡棒瘡毒蛇蠱毒
瘋犬咬傷破傷風傷力成癆產後惡露不淨瘀
血奔心痰迷心竅危在頃刻者只要口有微氣
重者一錢輕則三分或六分無灰酒盪熱調化
服之如受病日久連進數服服後隨飲熱酒數
觔臥煖處出汗即愈如被鳥鎗傷者鉛子即出
再將上藥煎滾取起離火化藥少許以雞翎攪
敷傷處痛即止

法製藤黃

四兩

真天竺黃

紅芽大戟

洗淨

劉寄奴 酒洗

血竭 各三兩 兒茶

明雄黃 各二兩

當歸尾 酒洗一兩二錢 樸 硝 一兩

水銀 下鉛

乳香 去油 沒藥 去油

水粉 各三錢

麝香 五錢 血珀 二錢燈心同碾

右碾極細末小蜂黃蠟溶化撒脚以熱水炖之勿令凍冷候火氣和平入諸藥於內用手攪勻搓如手指條大用時以刀切薄片酒燉化服忌火酒等味

製膳黃法 膳黃切如豆大地下掘一小坑坑底置人糞用油紙蓋糞上放膳黃入坑內又將

油紙蓋臙黃上再將人糞蓋上
用土填踏實三晝夜取出用

接骨金丹

半兩錢

七個或五個打碎放炭火上煨去油存性

明乳香

去油三錢

甜瓜子

每歲十粒同半兩錢炒黃色去半兩錢只用甜瓜子

甜瓜子全乳香二味和勻碾末先用蘄艾煎湯
沃洗傷處以新絮包煖再用好酒冲服以醉爲
度蓋煖取汗其骨自然相接傷在上身食後服
傷在下身食前服此方旋配旋用即效如隔宿
則不堪用矣

又方

紅花

酒炒八錢

胡桃

炒

沉香

五加皮

酒炒各五錢

沒

藥

去油四錢

生大黃

三錢

當歸

酒洗一錢

乳

香

去油四錢

土狗子

二十一個酒漿浸炙

共碾細末每服一錢煮無灰酒服

又方

山羊心血碾細末二三分沖滾酒服忌魚腥三日

又方

半兩錢

真者一個用醋一杯將錢煨紅淬入醋內七次以醋盡爲度

土驚虫

大者一個盛罐內放火上烘乾不可傷去足尖以全爲妙

自然銅

四錢照半兩錢製法乳鉢內碾

滴乳香

去油三錢五分

巴豆仁

四十九粒去油盡取霜

沒藥

去油一錢五分

半夏

姜汁拌炒

川續斷

滴醋浸透炒乾各三錢

當門子

真者三分臨貯罐時全乳

碾極細末入磁瓶密貯每歲一厘無灰細酒儘

量飲醉一覺次日即效

又方

猪板油

臘月者十兩

白蠟

八兩

白礬

十二兩

辰砂

滴乳香去油沒藥去油

瓜兒竭各一兩

飛丹

自然銅火煨醋淬七次

密陀僧

各四兩逐件碾極細另包聽用

先將板油入鍋熬枯濾清復入淨鍋內熬下白
礬化盡離火放地上將陀僧黃丹自然銅攪勻
投下再煎滴水成珠爲度始下血竭辰砂乳沒
明礬用柳枝不住手攪勻待凝丸如彈子大箏
殼觀收凡遇跌打損傷重者用一丸再加猪油
少許火上化開塗傷處以油紙包縛如最重者

以藥塗上燈草裹好外用竹片夾縛再用一丸作小丸用滾熱葱酒吞下若仍痛再進一丸骨折者用一丸如牙痛納一丸於牙齦卽止

又方

土鱉虫

一個新瓦焙黃

巴

豆

一粒去油

生半夏

一粒

自然銅

火煨醋淬七次

乳

香

去油

沒

藥

去油各五厘

礮極細每用五厘滾酒調服約人行十里汗出

其骨交接有聲忌發物房事一百二十天

又方

土鱉虫

新瓦焙

自然銅

火煨醋
淬七次

乳香

香

去油

半兩錢

火煨醋
淬七次

甜瓜子

沒藥

藥

去油各
等分

共碾細末每服一分五厘熱酒調下上體傷食
後服下體傷空心服接骨如神

回生丹

治跌打損傷如神

黑豆

炒去
皮

蒲黃

當歸

桂心

赤芍藥

乾薑

各八兩

茄種

晒乾四
兩

傷醫大全

卷三十六 跌打方

書

顧氏秘書

擇天德月德日修合忌生人雞犬碾細煉蜜爲丸每服二錢童便沖酒送下

接骨紫金丹

治跌打損傷昏迷不省人事瘀血攻心發熱

土鱉虫

十個去頭足酒浸晒露三日夜取出炒

骨碎補

切片露三夜晒乾

自然銅

火煨醋淬七次

巴豆霜

乳香

去油

瓜兒竭

沒

藥

去油各五錢

當歸尾

酒浸一夜焙

礪砂

各三錢

地

龍

十四條酒浸去土晒乾

共碾細末每服三分好酒送下

神效散

肉桂

去皮

紅花

各一錢七分

川烏

草烏

各二錢

共碾細末每服二分酒調下傷重者不過三分
即愈此方乃跌打損傷起死回生活人千萬富
貴之家脩以濟人

活血丹

土鱉虫

酒浸死晒乾

五加皮

劉寄奴花頭

桃仁

去皮尖

山查

各四兩

大黃

陳酒煮乾八兩

元胡索

醋煮

蓬莪朮

醋炒

牡丹皮

當歸

酒洗

牛膝

酒洗

紅花

各三兩

香

附

童便浸炒三兩

京三稜

醋炒

降香節

凌霄花

蘼木

青皮

枳實

赤芍藥

威靈仙

檳榔

川芎

各二兩

乳香

去油

沒

藥

去油各一兩

共碾細末每服二錢壯者三錢陳酒調服核桃

肉四五枚過口

透骨

跌打損傷深入骨髓或隱隱疼痛或天陰則
腫或年遠四肢沉重無力此藥主之真神方也

真神

乳

香

去油

沒

藥

去油各
三錢

開場花子

一兩火酒浸炒三次童
便浸炒二次再焙乾

各礮末稱準和勻再加麝香一分再礮磁瓶收
貯對固每服三分壯者五六分不必喫夜飯要
養胃睡好方服酒可儘量飲量用猪肉過口素
用豆腐過口服後避風有微汗出爲效忌房事

醋茶醋等物及諸般血如虛弱者間五日一服壯實者間三日一服

接骨散

黃麻

燒灰二兩

頭

髮燒灰一兩

乳

香去油五錢

每服三錢溫酒調服跌撲閃肭骨折疼痛

立止

通導散

折傷跌撲極重大小便不通最危之症先用此藥打下來血然後服補藥

枳殼

大黃

皮硝

各二錢

陳皮

厚朴

當歸

木通

紅花

蘼木

各一錢

甘草

五分

水煎熱服以通利爲度但此藥切不可用酒煎
令人悶絕而死凡小兒孕婦不可服

和傷活血湯

損傷瘀血腹脹內壅紅腫暗青瘀痛昏悶欲死
傷最重者服之

大黃 五錢

桃仁 打碎四十九粒 穿山甲 炒碾

當歸尾

威靈仙 紅花

蘓木

生地

五加皮 各二錢

乳香 去油

天花粉

沒藥 去油

川芎 各五分

血竭 二分

甘草 三分

水酒各一碗煎臨服入童便一杯和服以瀉出
瘀血爲效

又方

五加皮

茜草

劉寄奴

紅花

各一錢五分

青木香

枳殼

蓬莪朮

烏藥

京三稜

桃仁

赤芍藥

各一錢

當歸

二錢

頭生酒二觔煎一觔半雞鳴時服

又方

當歸

蘓木

槌碎

紅花

胡桃肉

各四兩

好酒十碗煎四碗任飲醉揜乘熱敷傷處

又方

羊躑躅炒黃

大黃

赤芍藥

當歸

紅花各三錢
生地五錢

牡丹皮二錢

土狗十個搥碎
土虱三十個搗爛

酒煎去渣入自然銅火煨醋淬七次碾細一錢調服一夜

其骨自合

又方

澤蘭葉二錢

百部三錢

劉寄奴

猴薑

蘼木各一錢
陳皮五分

乳香去油六分

甘草三分
沒藥去油六分

金銀花 一錢五分

酒煎服蓋煖出汗

澤蘭湯

通二便除腸中瘀血乃活命之神丹也

澤蘭葉

當歸 各五錢 牡丹皮 三錢

紅芍藥

青木香 各一錢五分 紅花 一錢

桃

仁 十粒去皮尖碾

水煎熱酒冲服如大便不通加炒大黃二三錢

跌撲停瘀

當歸尾

紅花

川羌活

沒藥

去油

赤芍藥

桃仁

去皮

川續斷

猴薑

各八分

貞桂枝

三分

白酒煎服

打撲損傷痛不可忍者

於白朮

五兩

當歸

焙

上肉桂

刮去皮

白芷

炙甘草

乳香

去油另研

沒藥

去油另碾各一兩

碾細末每服二錢溫酒調下

跌打損傷藥酒

當歸

五加皮

生地

各一兩

破故紙

骨碎補

去毛

十大功勞

薏苡仁

紫荊皮

各五錢

廣木香

三錢

羌活

三錢

川芎

杜仲

各八錢

莪朮

桃仁

各三錢

虎骨

酥炙一兩二錢

好酒二十觔入壘封固隔水煮三炷香取起

火一七早晚聽飲

跌打斷筋折骨疼不可忍

路傍墻脚下人便溺處陳碎瓦片一塊洗淨火煨
米醋淬至酥黃爲度刀刮爲末每服三錢好酒調
服看傷上下分食前後服之如無碎瓦碎磚亦可

又方

活蟹搗汁沖熱酒服

又方

多年糞窖內磚約三五十年者洗淨打碎火煨醋
淬以酥爲度碾細每服三錢熱酒調服神奇

又方

工驚重

二十個
多更妙

小便霜

二錢

白酒冲服外用熟附子肉桂當歸川芎碾末入

鳳凰胎

如無以小
公雞代之

熱糯米飯同搗敷傷處

跌打損傷兼治夾棍杖瘡

蘇油半觔男婦亂髮洗淨二兩將油滾起入髮熬
化再加生酒攪勻喫下儘量飲醉被盖出汗傷處
以杉木皮紫緊綿包卽愈

跌打氣絕

仙人柴

卽九里
香葉

搗自然汁一杯灌下卽甦但心口

有微熱能受此藥無有不活名救命丹

治折傷筋骨遇天陰則痛

益母草不拘多少用水熬膏隨病上下食前後用酒化服

又方

韭菜汁和童便飲之散去瘀血骨折者蜜和葱白搗勻厚封患處酒調白芨末二錢服之

打傷瘀凝骨節

肘後方

生鐵一觔酒五觔煎一觔飲之

打的青腫過腿面者

啓玄

三七鮮梗葉搗爛敷在青處瘀血卽消如神如無
三七卽白蘿蔔搗敷亦效

跌打損傷

生蟹一隻白礬三錢搗化敷傷處用杉木皮夾好
又方

馬屎炒熱包熨之冷又換如此二三十遍腫消痛
止內以乾荷葉煨炭童便沖酒調服

又方

獨核肥皂生姜葱頭共搗爛滾燒酒調攤於青布
上貼傷處如冷用火逼之再以紅花蘓木胡桃肉
乳香去油酒煎飲之取汗

跌打損傷及踢傷折臂不能動者

肉

桂

硫

黃各一兩

碾末糯米飯同搗敷傷處再敷一次全愈

閃跌

木耳瓦上煨碾每服三錢酒調服

閃跌

活松絲

松 桤

槿桑柏根灰

乳 香

去油

黃梔子

（獨核肥皂

沒 藥

去油

銅 煤

各等分

共碾細用無鹽陳酒糟和煉成泥敷上裹緊隔
日藥乾以熱陳酒潤藥復上前藥可也

打撲墜損惡血攻心悶亂疼痛

未展荷葉陰乾一味爲末食前用熱童便一盞調
服三錢以利下惡物爲度

韭菜散

石炭同韭菜搗成餅貼牆上候乾細碾聽用敷之
止血如神

洗跌打損傷

劉寄奴

猴薑

紫蘆菜

紅花

番白草

青葱

升草

各兩

煎水盈盆令被傷人穩坐盆內週圍圍好上面
遮蓋不可透風薰透待溫淋洗疼痛如失

又方

南獨活

三兩

地骨皮

二兩六錢

骨碎補

一兩二錢

透骨草

川續斷

五加皮

各一兩

羌活

食鹽

各三錢

先用水十碗煎五碗揷用水八碗煎四碗三次

水六碗煎三碗四次水四碗煎二碗共入砂鍋

內煎滾薰洗神效

洗閃跌

馬尾松毛不拘多少入鍋內熬至水面起絲爲度

薰洗搓揉

又方

紫果子藤煎湯揉洗

跌打破損血出

血竭細末摻之

又方

飛麵過上即血止結疤不復潰膿

黑丸子

治鶴膝風並跌撲損傷風濕筋骨疼痛或瘀血

壅滯

白 欬

赤小豆

各一兩
六錢

白芍藥

百草霜

各一兩

當 歸

白 芨

骨碎補

焙各八錢

天南星

川 烏

各三錢

牛 膠

六錢

酒糊丸桐子大每服三十丸鹽湯溫酒任下

折損或金瘡出血

五倍子

一兩

生半夏

枯 礬

各一兩
五錢

乳 香

去油

沒 藥

去油各五錢

無名異

一兩

龍 骨

煨三錢

共爲細末搽之不怕風不作膿止血如神

閃跌瘋氣痛

硫黃二兩

銀硃

明雄黃

辰砂各三錢

川烏

草

烏

各一錢五分

生大黃

黃柏各一錢

麝香一分

先將硫黃熔化入諸藥末攪勻地上預鋪大紙一張將藥傾上再用紙一張蓋上壓扁成塊候冷每紙一寸可裁十塊每用一塊點着放粗厚草紙上不住手以厚紙移熨藥盡又換藥點熨

至熱氣透入肌骨則氣血立刻流通其患如失
秘製跌打損傷瘋疼閃撲凝血悶氣神效膏藥

全當歸

川烏

白芨

防風

木鱉子

生地黄

連翹

草烏

官桂

烏藥

皂角刺

大黃

赤芍藥

白芷

頭髮

白蔞

各一兩

沒藥

藥去油五錢

槐柳桑棗桃枝

各十寸

右藥入麻油二觔浸透桑柴火熬枯去渣復入
淨鍋內微火熬至滴水成珠始下飛丹十二兩
足務使老嫩合宜將凝投去油乳香五錢化盡
傾入水盆內揉扯以拔火毒收用攤貼臨貼時
加麝香半分每張重五錢重者一張輕者一張
貼三四入此方不可加減一味致取不效

跌打閃挫瘋氣痛冷頭風

穿山甲

去皮爭
搥碎

番木鱉

水泡刮
毛切片官

桂

切片

當

歸

各一兩
二錢

槐

枝

柳

枝

各一兩

枳

殼一兩四錢

蘇油六觔浸透先用文火熬至黑色槐枝棍攪
滿去渣稱油輕重每油一觔加丹八兩熬滾徐
徐攤下不住手攪勻滴水成珠以手試之老嫩
得宜再入

乳

香去油

沒藥去油

丁香

兒

茶各六錢俱
碾細

攪勻入有蓋瓶內埋土中七日去火氣任攤貼

木驚風

集秘

治跌打損傷腫痛瘡瘍一切諸風氣痛

真蘇油三觔番木鱉子一百四十七粒入鍋內熬
至番木鱉黑脆爲度熬時以柳枝頻攪將木鱉子
撈起入鉛粉炒黃色三十兩徐徐投下逐漸成膏
以酒或井水將膏傾入置露處出火氣一宿撈起
聽攤用後摻藥

摻藥

家秘

三

齋

上上

北細辛

川烏

樟冰

肉桂

當門子

大茴香

母丁香

乳香

去油

沒藥

去油

甘松

自然銅

煨紅醋
滓七次

半夏

大黃

葶藶

皂角

乾薑

白芷

小茴香

各五錢

阿魏

三錢

忌見火卽自然銅亦須放傾銀罐內煨逐味另
碾合勻密貯勿洩香氣多少隨用可也如骨碎
者不可多用麝香以其性熱而散能耗髓也若
傷損血積齟齬者先貼無摻藥膏藥一個貼一

二時辰揭起則傷口血跡被膏揭淨然後用藥之膏貼之倘無木鱉骨即尋常膏藥亦可用金絲萬應膏

治跌撲損傷並寒濕腳氣痛不可忍小兒脾疳瀉痢不肯服藥貼肚上咳嗽貼背心

瀝

清二觔爭末

草蘇子

二百粒去皮殼

木鱉子

二十八枚去殼切片乳

香

沒

藥

去油各一兩

黃蠟

二兩

蘇

油

夏二兩春秋各四兩

威靈仙

二兩

先將瀝清靈仙下鍋熬化焦黃色濾過傾入水

盆候冷取出稱二觔再下鍋熔開下麻油黃蠟
草麻子泥用槐柳枝不住手攪勻慢火熬至滴
水不散不粘手爲度扯拔如金絲狀如硬加油
少許如軟加瀝清試得如法却下乳香沒藥末
起鍋在炭火上再用槐柳枝攪數百次又以粗
布漉下水盆內扯拔如金絲爲度

風氣跌撲膏藥神方

錦囊

男髮

一大團

草麻子

去殼二
百粒

猪

脂

熬油二
觔八兩

麻油

八兩

以上先熬至髮化草麻子焦枯再入後藥

熟地

威靈仙

各三兩

金銀花

二兩

川烏

草烏

各六錢

肉桂

去皮

白芷

各一兩

獨活

當歸身

各一兩五錢

以上熬至藥色焦枯去渣細絹濾過慢火再熬
不住手攪入後藥收之

乳香

簪上炙去油碾細

沒藥

簪上炙去油碾細各一兩

麝香

二分

真黃丹

炒燥羅細八兩

明松香

水煮三次去水熔化入夏布濾過淨六兩

以上先將松香黃丹下後煉至軟硬得所滴水
成珠離火再下乳沒麝打勻藏磁器中旋用旋
攤

打撲損傷及一切癰腫未破貼令內消

本事

生地黃 礪如泥 廣木香 礪細末

先以地黃膏隨腫大小攤於紙上摻木香末一
層又再攤地黃膏貼腫上不過三五度即愈

跌打青腫

真三七嚼塗患處

蚌霜散

入門

蚌霜

百草霜 各等分

右爲末每服二錢糯米飲調服

乳香定痛散

入門

治諸傷損疼痛

白芷

當歸

生地黃

牡丹皮

赤芍藥

川芎

乳香

沒藥

白朮

甘草

各等分

右爲末每二錢溫酒重便各半調勻服之

乳香散

得效

治打撲傷損痛不可忍

白 朮

當 歸

白 芷

乳 香

沒 藥

甘 草

各等分

右爲末每二錢酒調服

尋痛元

得效

治諸傷止痛清心行氣活血如神

草 烏

生用

乳 香

沒 藥

五靈脂 各三錢

生麝香 少許

右爲末酒糊丸如指頭大硃砂爲衣每一丸薄荷湯姜汁磨化服

補損當歸散 局方

治墮撲折傷疼痛叫號服此藥不復大痛三日筋骨相連

川芎 一兩五錢

桂心 川椒

當歸

甘草 各七錢五分 附子 炮

澤蘭 各一錢五分

右爲末每二錢溫酒調服其效如神

傷損腫痛瘀血流注紫黑或傷眼上青黑不散

醫鑒

大黃爲末生姜汁調敷患處卽消

散被毆癰痕亦治跌撲

聖惠

麻油清酒各一碗煎數沸服了卧火燒熱地上一
夜痛止腫消

草烏散

得效

凡骨節出臼用此麻藥麻之然後用手整頓

皂角

木鱉子

紫荊皮

白芷

半夏

烏藥

當歸

川芎

川烏

各二兩二錢五分

草烏

茴香

坐拿草

各二錢五分

木香一錢

並無煨製爲末諸樣骨節出臼窠者每服二錢
好紅酒調下麻倒不識痛處然後或用刀割開
或剪去骨鋒以手整頓骨節歸原用夾夾定然
後醫治如箭鏃入骨不出亦用此藥麻後或鉗
出或鑿開取出然後取鹽湯或鹽水服之立醒

夾骨法 得效

小蝦蟆四五個皮硝三分生姜一兩酒糟一碗腫者加紅何首烏同搗敷折傷之處

治折傷名活血散 入門

菴豆粉炒紫色新汲水調成膏厚敷折傷處以桑皮夾定其效如神 一方熱酒醋調敷

接骨丹 回春

骨碎筋斷用此復斷如初

古文錢

三個火煨醋淬七次

當

歸

七錢五分

川芎

骨碎補

沒

藥各五錢

川烏

煨四錢

乳香

二錢五分

木

香一錢

松香

六兩

香油

一兩五錢

各爲末和油成膏攤油紙貼患處

二生膏

醫鑑

治傷筋損骨痛不可忍神效並治折傷手足

生地黃

一觔

生薑

四兩

右搗爛入酒糟一觔炒熱布裹罨傷處熨之

傷損臂曰脫出腫痛

得效

生地搗爛攤油紙上次糝木香末一層又攤地黃貼患處明日痛卽止

治折傷斷筋損骨

種杏

生地搗取汁好酒和服日二三次最效又搗爛蒸熱封傷處一月筋骨連續蓋地黃屬骨

糯米膏

綱目

治撲傷筋斷骨折

糯米一升皂角切碎半升銅錢百個同炒至焦黑去錢右爲末酒調膏貼患處神效

蔓荊散

丹心

治打落筋骨折傷瘀血結痛頑疼

荊葉

無則荊芥代之

蔓荊子

白芷

細辛

防風

川芎

桂皮

丁香皮

羌活

各一兩

右爲麤末每一兩入鹽一匙連鬚葱白五莖漿水五升煎七沸淋洗痛處冷則易

遍身打傷

申蘆搗汁冲酒服或申蘆切片酒煎不時服或申

薑觔許搗碎酒五觔入壺隔水煮三炷香放地上
一夜去火毒次日溫服外用申薑四兩生薑二兩
數乾再換昔有一盜捶楚身無完膚服此數日無
恙

跌打閃挫神方

家秘

獨核肥皂去核同紅糖槌爛敷之

接骨仙方

骨斷粉碎者五加皮肆兩雄雞壹隻重陸兩黑者
更妙去毛連骨皮血與五加皮搗爛敷患處用布

包好准貼一週時揭去切不可太過時內自完好
神效無比再用五加皮伍兩酒煎服盡量飲醉睡
爲妙

八厘散

江湖方姓授

土驚虫

焙末

乳香

去油

沒藥

去油

血竭

各一錢

生半夏

大者

當歸

酒浸

巴豆霜

砂仁

雄黃

香甜瓜子

各五分

共爲細末收貯聽用每服八厘好酒調下小兒

三厘但能開口服下即得活矣

上部損傷

集效

如頭破見髓或傷風於內

羌活

防風

半夏

升麻

當歸

赤芍

陳皮

生地

甘草

川芎

白芷

白茯苓

天南星

天花粉

蔓荊子

姜三片煎外加血餘硬落得打各一錢碾末冲

服

中部損傷

如手折之類

羌活

防風

當歸

赤芍

陳皮

白芷

甘草

秦艽

黃芪

茯苓

生地

官桂

破故紙

天花粉

姜三片煎外加五加皮血餘硬各一錢礮末冲

服

下部損傷

如腿足傷

當歸

芍藥

陳皮

牛膝

木瓜

防已

川芎

茯苓

羌活

白芷

白朮

秦艽

生地

甘草

姜三片煎外加血餘硬一錢研末冲服

熨法 圓春

生葱連根切碎炒令汁乾乘熱敷患處外用絹帛束之立刻定痛止血

筋骨折傷 赤水玄珠

急取雄雞一隻刺血量受傷人酒量冲服痛立止神效無比

跌壓瘀血積痛難忍 集驗

大黃 酒蒸一兩 當歸尾 五錢

桃仁 去皮尖二粒

酒煎雞鳴時服至天明取下瘀血即愈

跌打損傷 懷德堂筆記

九世還魂草

鹿啣草

落得打草

麻皮頭

上部此味加倍

土

驚

各等分

下部加芋根

內傷加白頸蚯蚓

上五味爲君隨便再加紅花藕木等藥酒水煎

服汗發即愈

有一泥工沈姓者屋上跌下服此三日全愈

接骨不知痛

鳳仙花根酒磨服半寸最多一寸然後揉托入臼

並不知痛但多服傷人以一寸爲極不可多用

跌打骨斷

願濟堂刊施

金櫻子堦

即金櫻子根也去皮

煎酒熱服揶敷患處立效

墜車落馬筋骨痛不止

集驗

玄胡索研末酒服二錢日進二次即愈

閃跌

胡繡繇

用魚鱗切片溶化攤新棉花上乘熱貼傷處拔出

青紫傷痕即愈

跌撲損傷急救散

周鶴仙

當歸尾

酒洗

自然銅

醋煨七次

桃

仁

去皮尖

紅花 各七錢

陳麻皮 三錢

地鱉甲 燒酒浸
焙五錢

骨碎補 酒洗蒸

大黃 酒洗各
二錢

乳香 去油

沒藥 去油

胎兒骨

血竭

硃砂

雄黃

麝香 各五分

以上共爲極細末收時勿洩氣如遇跌死打死
尚有微氣者用酒漿調二厘入口卽活如骨折
瘀血攻心用藥八厘酒調灌之其傷骨自上而
愈神效之極

接骨神方

雄土鱉

一個此虫凡雄者用銅刀或竹刀切斷以碗覆之半晌其虫能自接上不死者是雄

的方可用是雌者不可用火煨存性

生半夏 一個

自然銅

醋煨七次三分

乳香

去油

沒藥

去油各五厘

以上俱忌鐵器共爲絕細末每服二厘黃酒調下不可多喫如多喫恐長出多骨服藥復須保養四十天復舊此方神效無比有力之家宜修

合濟世

接骨神方

半兩錢

錢上止有半兩二字者以火煨紅淬入醋內數次即脆研極細末七厘

甜瓜子

火焙乾爲末七厘

二味末和勻生酒服下卽愈但不宜多服多則

傍長一多骨矣神驗

跌打損傷膏藥

劉長隨

當歸

三棱

莪朮

獨活

白芷

川芎

羌活

杜仲

川牛膝

防風

肉桂

紅花

續斷

防己

五加皮

骨碎補

赤芍藥

劉寄奴

秦 芫

葱 頭

土鱉虫

各三兩

頭 髮 一握

右藥用麻油十觔浸七日入鍋將藥熬枯濾去
渣復入淨鍋內熬至滴水成珠入後細藥末

龍 骨

乳

香

去油

沒

藥

去油

血 竭

各二兩

麝

香

另收旋加
者麝香忌用

如皮破骨損

入油熬化磁鉢收貯

每藥油四兩加製松香

一觔全熬成膏傾水缸內扯拔出火毒收藏

凡攤膏時燉化攤好放土地上一個時辰再貼得土氣則土蟄虫有力易於接骨故也

面目跌撲青紫

生半夏磨汁塗消

接骨

李岳

遠年屋上古舊瓦爲細末好酒調服二三錢睡一覺卽接上

跌打

生大黃

肉桂 各一兩

研細紅糖調敷

跌傷筋骨神方

許元植

糯

米

揀去半粒者

燒酒麴

各三錢

研細無灰熱酒調服厚蓋取汗

跌打

吳宇上

牛皮膠用生薑汁熬化布攤貼

黃金膏

治跌打損傷筋骨斷落刀傷杖瘡湯火傷

麻油半觔熬至滴水成珠離火入白蠟黃蠟各五

錢攪化再入臘黃一兩攪勻收貯此藥愈陳愈妙
如收久膏老加熬過藤油燉化攪勻冷透敷之惟
刎頸者勿用因臘黃毒人耳

跌打損傷

松毛

要尋孤松樹四圍無樹倚靠者十兩
清水洗淨帶潮切碎石臼內搥爛

紅梔子

個八十一飛麵八兩

量加水共搗碎作餅先以葱湯洗患處敷貼外
以皮紙包裹至重者一日一換九日拔出青傷
自愈

跌打損傷

臭椿樹皮旋搗一塊生薑二兩不拘公母雞絨毛一把全搗濃敷上用槿木皮遮護以二炷香爲度自愈

接骨仙方

千里馬

八雙燒灰存性

沉香

廣木香

各三兩

象皮

瓦上焙

琥

珀

燈心全研

冰片

各二兩

骨碎補

去毛

血

竭

各一兩

虎脰骨

醋炙一對

乳香

去油

沒

藥

去油各一兩五錢

右各研細和勻磁瓶收貯看傷之大小用藥錢
許或八分先用好米醋一茶杯入銅杓內熬滾
入藥再熬片時調敷患處不可太熱不可大冷
敷上棉紙裹好新綿包緊十日或八日一換忌
公雞鯉鱔不忌牛羊肉戒房事百日復舊如神
跌打損傷

地骨皮

威靈仙

骨碎補

川續斷

各六錢

入磁罐內酒二觔隔湯煮至觔半服取汗搗用

酒一觔煎半觔服

接骨

大蝦蟇生搗如泥敷縛定其骨自合

又方

又雞草葉搗爛取汁熱酒和服數次卽愈

跌打之後凡大小便通利者

廣三七二三錢酒煎飲

跌打二便閉澀不通

柞樹根去心皮二錢酒煎服

木石打傷

水龍骨煨研桐油調搽

指甲爬破面皮

生薑汁調輕粉敷好無痕

跌打損傷時值暑天腐爛恐生蛆虫外雖平滿爲害不一

宜用猪血切片引出蛆虫再用白蔹藜白蘞貫仲爲細末香油調敷其虫卽滅

傷損愈後肌膚青腫

聖惠

用茄子種通黃極大者切一指厚放瓦上焙乾爲末酒調二錢臨臥服一夜消盡無痕

擦落耳鼻

綱目

用油髮灰末乘急以所落耳鼻蘸髮灰綴定以軟帛縛定神效

自行顛撲穿斷舌心血出不止

綱目

取米醋以雞翎刷所斷處其血卽止仍用蒲黃杏仁礪砂少許爲末蜜調噙化而愈

接指方

入門

蘇木爲末敷斷指間接定外用蠶繭包縛完固數日如故

傷破陰囊二丸脫落懸掛未斷痛苦無任

醫鑒

須教人漫漫托上多取壁錢敷貼傷處日漸就安其囊如故

慈雲散 畢峻功

治癰疽疔腫大毒及跌打損傷初起卽消已成卽潰接骨回生功效如神

番木鱉

川 烏

土鱉虫

鹿角

煨灰各二兩

穿山甲

一兩六錢

明天麻

草烏

川芎

升麻

當歸尾

鬧陽花

生香附

殭蠶

各一兩

蜈蚣

斑貓

各四錢

右各製畢研極細末重者用一錢輕者用六分或八分俱用無灰酒調服被蓋取汗不可見風必須汗乾然後出幃幙

跌打昏暈不省人事

蟹殼燒灰存性熱酒調服再將大甘草嚼爛敷之

跌打青腫

生山梔研全白麴熱水調敷

打傷筋骨遍身青腫紫血不行疼痛難忍

白芷一兩 甘松三錢 三柰一錢

麝香三分

共研細每服三錢或童便或酒沖開水調服

接骨方

乳香

自然銅 醋煨

沒藥 去油

龍骨

煨各一錢

麝香 三厘

土鱉

一個

陰乾 臨時研用

共爲細末每服三分服時再入土鱉末一個須
先整定傷骨方可服藥否則接挫

落下頰拿法門主論

落下頰者氣虛之故不能收束闔竅也患者平身正坐以兩手托住下頰左右大指入口內納槽牙上端緊下頰用力往肩下捺開闔竅向腦後送上卽投闔竅隨用絹條兜頰於頂上半時許去之卽愈脫頰起於肺腎虛損元神不足或笑談高興忘倦一時元氣不能接續所致如法拿上須避風速服加味六君子湯不然風邪外受必致痰涎壅盛口眼喎斜而風中臟腑十無一瘳矣

集驗

落下頰拿法門主方

加味六君子湯

集驗

人參

白朮

白茯苓

半

夏

各一錢五分

天

麻

火煨

陳皮

各一錢

殭

蠶

酒炒去絲

當

歸

各二錢

附

子

滾湯泡去皮臍六分

川

芎

八分

甘

草

三分

燈心四十根 生姜三片 水煎服

落下頰

口噤烏梅一二枚 茶頂自上

落下頰

烏梅搗碎作餅塞滿牙盡頭處張口沕涎隨手托

上

人咬門主論

陳寶功曰人咬爲患良肉受傷但陽明胃經所屬者齒臟腑多火多熱凡食經此無不燐爛下咽又飲食炙煇之毒無不侵襲故傷人發腫其痛異常臭膿腐爛痛徹連心是感受牙齒之毒也初咬時一日內衆人漱熱尿浸傷處洗淨牙黃瘀血咬孔上蟾酥餅貼之膏蓋後出微膿漸愈如初咬時未用此法致腫痛發胖痛甚者亦與童便洗淨挹乾用粗紙撚蘸麻油點火用烟焰薰腫痛上良久方住

以解其毒仍以蟾酥條插入太乙膏蓋候腫消時
換玉紅膏搽之長肉完口

正示

人咬傷門主方

驗方

熱尿洗去牙黃瘀血以生栗子嚼極爛塗之如腫痛用藤油紙撚火焰薰之

又方

溏雞屎塗咬處立刻止痛不作膿

又方

乾人糞裝荔枝殼內安放咬處加艾圓灸之以不痛爲度

又方

生栗子和飯嚼爛厚罨傷處

又方

綱目

驚鼓或食蛇龜版燒灰煑或油調搽

咬破手指痛不可忍久則爛脫手指手掌

人尿入瓶將患指浸在內一宿自愈

咬破手

白蘿蔔葉嚼爛敷之

被咬受牙黃毒

老鼠屎

兩頭尖
青七粒

荔枝肉

一箇

紅糖搗勻敷上牙黃

卽拔在敷藥上

七聖散

胡學海

治人咬傷破爛

人糞

燒存性
三錢

生大黃

花蕊石

蘆甘石

各二錢

輕粉

一錢

甘草

草一錢五
分

冰片

五分

共乳極細搽之

從高
墜下
瘀血
攻心



救從高墜下門主論

從高墜下瘀血攻心用淡豆豉一合煎湯飲之或生薑汁同麻油和勻溫服之再將淨土五升蒸熟以舊布重裹分爲二包更換熨之痛止卽已如氣絕沉重撬開口以熱尿灌之用半夏末吹鼻中以艾炙臍將被傷人盤足坐住提起頭髮使氣從上升則可活矣

陳遠公曰人從高墜下昏死不甦人以爲惡血奔心誰知乃氣爲血壅乎夫跌撲之傷多是瘀血攻心

然跌撲出其不意未必心動也惟從高下墜失足
時心必驚悸自知必死是先挾一必死之心不比
一蹶而傷者心不及動也故氣血錯亂每每昏絕
不救治法逐其瘀血佐以醒氣之品則血易散而
氣易開倘徒攻瘀血則氣閉不宜究何益乎甦氣
湯乳香末沒藥末大黃末各一錢山羊血末五分
蘇葉荊芥丹皮各三錢當歸白芍半躑躅各五錢
桃仁十四粒水煎調服一劑氣甦三劑血活全愈

此方醒氣活血兼用之故奏功神速妙在用羊躑
躅與蘇葉荊芥因其氣亂而亂之則血易活氣易

陳實功曰從高墜下未經損破皮肉者必有瘀血流
注臟腑人必昏沉不醒二便必難大成湯通利二
便其人必醒不醒者獨參湯救之尋常墜墮輕者
紅花活血湯調之

正宗

錢青榆曰從高墜下及落馬血冲欲死切忌飲冷水

急用韭菜汁或熱小便灌之

丹方摘要

從高墜下用生半夏末吹入鼻中醒以生姜汁薑蒜
油攪勻灌之再以乾荷葉燒灰熱小便調下三錢

日進三服自愈

附刊感應篇註證

救從高墜下門主方

鷄鳴散 三因

金刀傷打撲傷血瘀凝積煩悶欲絕

大

黃

酒蒸五錢

當歸尾

三錢

桃

仁

十四粒研

右作一貼酒煎雞鳴時服次日下瘀血卽愈治

折傷亦妙

破傷風門主論

朱丹溪曰破傷風證多死最急證也始因出血過多或風從瘡口而入或瘡早閉合瘀血停滯於內血受病而屬陰始雖在表隨易傳臟故此風所傷必多難治其證身熱自汗口噤搐搦勢急非常藥可治非全蝎不開兼以防風風藥

馮魯瞻曰凡破傷風邪初受在表者宜用發散同傷寒表證治法

又曰破傷風四惡證不治一面目青黑二額上汗珠

不流三眼小目瞪四身汗如油

錦囊

陳實功曰破傷風因皮肉損破復被外風襲入經絡
漸傳入裏其患寒熱交作口噤咬牙角弓反張口
吐涎沫入陰則身涼自汗傷處反爲平陷如故其
毒內收矣當用萬靈丹發汗令風邪反出再以玉
真散患上貼之得膿爲吉如汗出前證不退者死
正宗

凡小兒或男婦頭顱額髮生癰破後因其輕而忽之
不肯貼膏藥每致外風水露侵入頭面發腫如破

傷風候當用荊防白芷殭蠶蟬蛻內服取汗外用
紅升丹提之膏蓋自安

回春云凡鬪毆被打成破傷風頭面腫大發熱以九
味羌活湯熱服取汗外用杏仁搗爛入白麵少許
新汲水調敷瘡上腫卽消

陳實功曰破傷風症如汗後口噤不開語聲不出諸
症不退傷處不高漸醒漸昏時發時止者死

正宗

破傷風門主方

豆淋酒

黑豆六七合炒香乘熱用麴麴酒一碗傾入卽去
豆取酒加羌活五錢煎一半熱服取汗避風如產
後驚風去羌活加蘇葉五錢

又方

黑豆一撮鍋內炒熟沖無灰酒三四杯滾三五沸
調辰砂末少許服

灸法

人耳中垢紙上焙乾爲末和蘄艾作圓灸傷處

又方

核桃殼半個內填極乾人糞臙上以槐白皮襯住
加艾圓灸之候遍身汗透爲度汗後其人必困一
覺卽愈治瘋犬咬並效

破傷風諸藥不效事在危急兼治猪癩羊癩等風發
之昏倒不知人事者

鱖

膠

切斷微炒

杭

粉

焙黃

皂

礬

炒紅色各一兩

硃

砂

另研水飛三錢

上三味研和入硃砂再研每用二錢無灰酒調服取汗外面仍炙七壯知痛爲吉猪羊等瘋須每服三錢連進二服

破傷風口噤直強

魚膠燒存性研加麝香少許每服二錢酒調下不飲酒者蘇木煎湯調服外用魚膠一錢煮化封瘡口或用膠如瘡大一片浸濕火焙化開貼之

又方

桑枝尺許長十數段火上炙取汁和酒服

又方

草屋上大蟻螬

此虫糞堆內亦有

倒捉俟涎流出滴入

傷處滴後遍身麻木汗出卽活神方

天麻散

荆芥穗

三兩

天麻

生南星

炮去皮臍

防

風

各一兩

共爲細末每用五錢連鬚葱白煎湯調下

破傷風及產後驚風小兒急慢驚風至危篤者

蝦蟇皮風乾陰陽瓦焙微黃色研細加當門子少

許白酒調服被蓋取汗

治破傷風血凝心針入肉三症如神

錦囊

烏鴉翎燒灰存性細研酒服一錢或白滾湯下

破傷風出血不止

當歸末敷之

破傷風浮腫

蟬蛻爲末葱涎調敷患上卽時拔出惡水

破傷風寒熱垂危

丹方

蟬蛻肆兩燒末調服

奪命散

三因方

治跌撲金刀傷及破傷風傷濕發痛強直如瘓

天南星

炮

防風

各等分

研細末水調敷傷處出水爲妙仍以溫酒調服
一錢已死心尚溫者熱童便調灌二錢倘闕毆
內傷墜壓者酒和童便連灌三服卽甦亦可煎
灌

玉真散

集驗

天南星

防風

白芷

明天麻

羌活

白附子

各等分

共研末敷患處如打傷欲死心頭微溫者熱酒
童便灌下二錢連進二服立可回生破傷風牙
關緊閉腰背反張甚則咬牙縮舌以童便調服
三錢立愈

破傷風證回生神方

周鶴仙

全斑猫

七厘小兒
只用三厘

糯米

炒焦一
分三厘

共爲末黃酒冲服卽愈不可忽視

又方

蒼木焙

草烏

鹽汁製
各一錢

研末溫酒沖服汗出爲度